



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

30. Dies Janvarii. Displicet in pulchro corpore non solùm morbus, sed
nævus. S. Bernard. Epist. 249.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

80 *Christiani Militis* , Januar.
& Patrem servavit. Occine tibi centies per horam,
sexcenties per diem, CAVE. Stes licet in ipso Sancti-
tatis fastigio, cave; proximus es præcipitio. Sis præ-
ditus tantâ gratiâ, quantâ qui summâ Joannes Bap-
tista, cave; homo es, ceciderunt multi virtute sum-
mi, potes cadere. Cùm dormis, cùm vigilas, cùm
oras, cùm legis, cùm prandes, cùm cœnas, cùm am-
bulas, cùm quiescis, omni loco, omni tempore, pav-
& cave, quia ubique tenebræ, foveæ, insidiæ, certa
mina, pericula. Vanus est omnis metus, nisi illum
metuas, quem metuunt omnes, & omnia: Siquiden
Sapè facit metui non metuenda metus.

30. DIES JANVARI.

Displicet in pulchro corpore non solùm
morbus, sed nævus. *S. Bernard. Epi*
249.

I. **T**Imor Dei castus reddit hominem no-
solùm cautum, ut sit sine morbo, se-
castum sine nævo. Docet enim minime
delicta, quæ ob facilitatem obtinendæ
veniæ, vocantur venialia, maximi faciendæ. Hæc mi-
nima ut maximè timeas, illa quæ sequuntur, expen-
das. Non potest nec lingua hominis exprimere, ne-
mens Angeli concipere mala, quæ gignit in animo
minimus animi nævus. Hoc enim tantillum malum
puta verbum otiosum ex negligentia prolaturum, majus
est malum omnibus malis naturæ. Sicut si alter utrum
daretur eligendum, expediret potius in corpore pal-
omnes omnium hominum morbos, membrorum

mutilationes, vultuum deformitates, monstrorum turpitudines, in anima verò, & corpore, satius esset pati totâ æternitate omnia, & hominum, & dæmonum tormenta, quam semel proferre unicum verbum otiosum; & sic levissimâ culpâ Deum offendere. Hinc illud certum est, longè præstare, ut patefactis inferorum repagulis Lucifer ipse, & cum eo dæmones omnes corpus insideant, & conspirantibus omnibus viribus illud atrocissimè, in singulis membris, artibus, ossibus, articulis, arteriis, venis crucient, & in te solùm omnem quam possunt rabiem, furorem, ferociam, effundant, quàm ut momento unico persistas in peccato, quod fingi potest minimo.

I. II. Adhucne vile tibi est peccatum veniale? Plura sequuntur. Expende, quàm sit factu difficile, minimum peccati nævum ex animo tollere. (a) Ut ille tollatur, non sufficiunt omnium Sanctorum, qui sunt, fuerunt, esse possunt, merita per se sola sumpta. Hoc ut penetres, propone hic tibi tam multa, & copiosa Sanctorum merita, adde omnium Angelorum, imò, quod his omnibus majus est, ipsa quoque merita B. Virginis, omnesque tam raros, & heroicis virtutum, quos exercuerunt actus: similiter & tot Martyrum sanguinem, hæc omnia in unum congesta cumulum, non possunt eluere vel tenuissimam peccati minimi labem, quâ afflata est anima, nisi accedat valor sanguinis, quem Christus pro nobis effudit, ejusque merita. O quantum est illud malum, cum potius debeam illud eligere vitare semel, quàm infinities mori, quàm cælum & terram redigi in nihilum, quàm damnari totum genus humanum. Si

F

B.

(a) *Lancicini t. 1. de Recol. Octid. Medit. 12. p. 497.*

B. Virgini lachrymanti ad pedem crucis, & deslenti
ejus cruciatus & mortem, daretur optio, an vellet
Filium suum eximi istis cruciatibus, & videre statim
immensa cum gloria confidentem à Dextera Patris,
simulque salvari infinitos homines, aut assentiri in u-
num peccatum veniale, potius illud fugeret, mallet
que videre Filium suum sine sua culpa millies cruce
figi, & mortem quam passus est, pati, quàm tali, li-
cet minimâ labe inquinari.

III. Non justè dicitur leve, quo nullum in Na-
tura est gravius: nec prudenter asseres parvum, quod
solum suprâ se habeat aliud magnum. Non igitur
est parvum peccatum veniale, quod suprâ se solum
habeat aliud majus, id est peccatum mortale; im-
proinde magnum censendum est, quia suprâ se non
habet, nisi unum malum, quod sit majus. Ingens
malum est, quod uno tantum malo est minùs: ingens
malum, quod cæteris cunctis malis est majus, oppre-
briis, injuriis, morbis, tormentis, morte, & ipso tarte-
ro. Ingens malum est, quo majus, aut æquale, Deus
ipse tibi immittere nequit, licet omnes damnato-
rum, & hominum, & dæmonum pœnas accumu-
ret. Non est parvum malum, quod disponit ad ma-
lum malorum maximum, & pessimum, peccatum
mortale. Annè parva violentia esset, quæ saxum mo-
lare è cælo toto impetu cadens in aëre suspenderet
ne ad centrum suum devolveretur? Unum pecca-
tum veniale detinet Dei misericordiam, quæ majori
desiderio fertur ad nobis benefaciendum, quam si
saxum molare impetu devolvatur deorsum, & illud
quasi suspendit, ne Anima jam soluta corpore con-
tingat centrum suum Deum, sed ad purgatorium
summa

Januar.

Tessera.

83

summâ vi præcipitat, ut labem eluat. In altero se-
culo minima culpa punierur gravius, quàm hic ma-
xima, quæ fingi potest, pœna. Cave igitur, enimverò

Ante Dei vultum, nil unquam restat inultum.

31. DIES JANVARIII.

Sicut capillus de capite, sic nec momen-
tum peribit de tempore. *S. Bern. serm.
ad Scholares.*

I. **E**Cce hic hujus anni mensis primus ordi-
ne, tibi fors ultimus tempore, evanuit, &
cum eo dies salutis 31. præterierunt. Se-
quuntur alii, ut hi, præterituri. Itaque
sta paulisper in hujus mensis, quam premis, metâ, &
de tempore labili, si tempus suppetit, hæc pauca a-
nimo recole. In hoc 31. dierum tempore, quot
fuerunt momenta, quorum quodlibet summi est
momenti. Non peribit vel unicum momentum
de hoc tempore, sicut nec capillus de capite. Quia
pro quolibet expectandum est, si benè, præ-
mium, si malè exegeris, supplicium. Deus ergò,
sicut numerat omnes capillos capitis, sic & mo-
menta temporis. Nero extremam cum insaniret in-
saniam, tam fuit in amanda Popæa amens, ut singu-
los capitis ejus capillos numeraret, imò singulis
nomina imponeret, quibus eos compellaret, &
de iis canticum componeret. Pectinem quoque au-
reum, quo capillos explicaret, comparavit, & si fortè
capillus de capite caderet, mox eum Nero auro in-
clusum Junoni consecrabat. Hæc fuit vecordis ho-
minis ridenda dicam insania, an deffenda protervia?